

國家圖書館出版社

廣東省立中山圖書館藏
稀見方志叢刊



倪俊明◎主編

廣東省立中山圖書館藏
稀見方志叢刊

倪俊明◎主編

國家圖書館出版社

42

第四十二冊目錄

〔乾隆〕衡山縣志十四卷(卷十一—卷十三) (清)德貴纂修 鍾光序續修 清乾隆十年	
(1745)修,三十九年(1774)續修刻本	
卷十一下(人物)	 一
卷十二(詩賦)	 一三七
卷十三(藝文)	 三八三

貞烈

趙淮妾長沙人逸其姓名宋德祐中從淮戍銀樹
坦淮兵敗俱被執至瓜州元將使淮招李庭芝淮
至楊州大呼曰庭芝男子死耳慎勿降元將怒殺
淮乘尸江濱妾俘一軍校帳中乃解衣中金遺其
左右且告之曰妾夙事趙運使今其死不葬不能
忘情願因公言掩埋之當終身事相公無憾矣軍
校憐之使數兵輿至江上妾聚薪焚淮骨盛瓦缶
中自操小舟至急流仰天大慟抱淮骨躍水而死

此陳齊芳約宋史作查慄陽縣志作其妾二人
云阿术怒殺淮於瓜州其妾翠蓮綠雲殉焉

文氏貞烈三姑明台公女也周孺人所出名桂香
生而端靜事父母孝順母鍾愛之不忍離年十七
贅壻羅未三月羅爲兵掠姑長吁短嘆日夕盼其
歸至廢眠餐明台公延卜者筮之曰死矣公因有
異志姑覺之稟曰兒夫生死莫測請以俟之三年
自是坐重幌日惟繡刺麻絲繫綴之是屬雖至親
罕見其面及三年姑舅羅翁寓書于明台公曰方
今戎馬未靖令媛方艾吾兒必不歸矣曷另議公

觀姑容曰瘁知志難奪爲置膳大治粧奩屬諸女
弟愆恩之且曰兒父母在可恃也脫不諱謂終身
何姑微笑對曰兒自有計過活不煩父母也一日
乘間沐浴華飾更新衣投繯比覺則氣絕矣衣帶
襪履俱鍼線疊縫無少隙蓋不欲以冰肌玉骨殮
他人手也一時喧騰戚里聞者莫不嗚咽悲慟鄉
人私謚曰貞烈

贊曰古謂慷慨殺身易從容就義難蓋氣激義迫
有視死如歸者矣及事過情遷無重賞以誘於前

無嚴刑以驅於後鮮不變其初志者此在烈丈夫
類然而况閨中一女子乎方姑之以三年請也已
辦一死特事不可知一旦策馬歸來趙壁在我及
數遇音沉寧爲玉碎母爲瓦全而後從審就死也
詎匪難之難者哉

邑人唐允中作

孝烈陳女小字竈貞父陳斗字居於邑之朗山年
老無嗣僅生女一人里黨爭聘之孝女慮母死父
孤自誓終養不字前明崇禎時流賊橫東南女遭
寇擄毀容大罵奪刀欲刺之賊怒碎女屍數段於

港子山血濺草枯何其烈也予嘗讀後漢列女傳
孝女曹娥及叔先雄皆以不得父屍自投於江後
數日乃與父尸俱出世稱其孝又樂羊子妻不屈
於賊而死皇甫規繼室庭罵董卓斃於車輓之下
可謂烈矣陳氏一田家女矢志不嫁以養厥父此
卽曹娥叔先雄與父俱生之日及一旦變起倉猝
白刃是甘不虧其體以辱其親豈非合樂羊婦皇
甫規妻而爲一人耶維時同邑有文三姑贅婿羅
甫三月爲賊所掠不返父欲嫁之始請俟以三年

及事迫以線縫衽若裙從容自縊鄉人謚之曰貞烈且爲傳以載諸族譜士大夫多作詩歌以弔之者而孝烈陳女至今而名始揚向非老成之上意白其事且作詩以紀之恐奕世後愈湮沒而不彰也因嘆盜賊亂離之日凡閨門貞烈之性義不受辱墮崖投水蹈白刃而不顧者士大夫硃爲表揚之遂磨滅而不傳于後悲夫又聞陳女之死且百年矣每當陰風慘冽烏啼月落之會客有經宿其地者徃徃聞其哀歟之聲里父老莫不鑿鑿指之焉

呼此殆孝女之餘烈也康鑑云

劉女年十六父石泉同母弟鳳山佐令西川定省之事一委之御事皆得其理父母甚倚賴焉及爲之擇配卽泣曰弟志在四方兒復置父母去死不願也又有勸其父贅壻者午貞叱之曰余豈盜弟之有以自肥者聞者氣奪迨母氏歿志益堅後石泉繼娶生二子午貞已在中年或微諷之笑曰吾幼不作女子狀今忍俯首事人耶性勤女工絲聚銖積遂有所蓄父歿作石塚以居之自營壽藏於側

曰余之于父母不以生死異也昔趙威后問齊使
曰北宮子女無恙耶撤其環瑱至老不嫁以養父
母是率民而出於孝者也胡爲至今不朝耶若是
乎行如北宮不特今人所難抑亦古人所重矣午
貞非其流亞耶及年老出所積建菴以守墓且作
橋以利涉如車路橋黃板橋干溪之楞伽寺橋大
堡之櫛塘橋動費百餘金明嘉靖乙丑年攸縣劉
欽薦改黃板橋爲貞義橋撰文以紀之萬曆壬子
大僕寺卿蔡槐亭旌以匾曰天授貞孝卒年九十

六歲秀才劉世午述其祖貢生自頴云

康氏女名淑英父冕德年十五許字彭擬十歸彭
忽偕父母入蜀父憐之欲他配女不許蓬鬢守貞
霜顏勿二已四十年矣有曹生學緯賦詩四章以
表之

姚曹氏曹振陽之女年及笄適庠生姚舜祚崇禎
末爲流賊所得不屈而死其傳曰癸未之變流賊
張獻忠兵至舜祚揭家避難於紫蓋峰下白雲墮
石巖忽傳賊至走入尊聖冲爲賊所獲逼辱不從

連傷八刃乃去昇歸猶目夫以手指心指天而死
時癸未之十月初八日也年四十有三聞者駭而
痛之署撫章大中丞曠聞其節遣姪率縣祭之嗚
呼烈婦之死已百餘年中更修邑誌者二不聞採
而述之也旌表者亦後先相望而氏亦泯泯無傳
也今網羅散失廣搜節烈久而後乃得之亦且幾
幾乎失之也不亦重可嘆哉

廖周氏幼適廖尙文生一子名仕達值明末闖賊
寇衡氏與姑蔣避山中賊搜掠甚急執其姑將

之氏出冒白刃願以身代賊謂氏隨營乃釋其姑
氏佯許之姑得脫氏隨行至虎檻塘最深處奮臂
投水賊怒刃其手爲兩截時崇禎癸未九月十六
日也死七日姑哭之意必隨營去矣忽夜半子夢
中見母大叫曰母呼我塘中來姑狂起達旦携孫
往尋之果得屍形色如生塗人皆爲流涕亂息後
一時文人學士哀輓之者甚衆噫嘻亂離之際死
生之交士大夫或往往失其故態而氏旣全其姑
復能不辱其身越百載而名愈芳而今之以強佔

拆枕與誘逃相控於縣者且累累也伊獨何哉伊
獨何哉

譚東侯女閨貞四歲母故許字戴姓禮未成而戴
妖時年方十四矢志不字事父與祖母盡孝事繼
母與諸弟孝愛備至年屆五十始終如一

譚女名守貞父爾超以女許王姓未及于歸王即
妖歿時貞年十六歲紡織度日自誓不同年五十
永操凜凜

又瑜繼室王氏烈傳

古來烈婦烈女死事范蔚宗後漢書始紀之爲記
其後他史亦間見然強半有所迫而然非外迫
豪強則內迫於翁姑父母獨文烈婦之死特異
烈婦出王氏父系武凡女在內則悉稟母教歸文
諱瑜字非瑕爲繼室瑜文士負儒才前髮娶歐陽
氏有子一名見海元下而孤祖母陳育之襁褓聞
烈婦德性和平急可托方四月忽接喪烈婦在
湯藥扶持唯謹目不瞬文子生於四月
劇竟不起將屬義烈文子曰君前主三

一 雲髮頭垂落面終年人以此語至之語不
意及死魂棺一朽幾欲視之氣矣及肥
抱前之孤女歸葬之於大既送中城
察其狀慘甚不勝命家人防之將其家新
遭喪家人倦且昏寐於繼烈婦已投環死矣呼
人奔救氣已絕悲哉市鄰諸長者大駭相率往
邑侯張公扶九先生山右名進士也有惠臨之
亦大駭促駕視之已納諸棺命速殯爲禮禮者
之嗣親書額以旌其堂曰烈過鬚眉良然